

Zenička policija uhapsila šest osoba, zaplijenjeno 13 kilograma droge (VIDEO)



Foto: MUP ZDK | Zenička policija uhapsila šest osoba, zaplijenjeno 13 kilograma droge (VIDEO)

Nezavisne
novine

11.06.2025 19:01



Postupajući po naredbama Opštinskog suda u Zenici u nastavku operativne akcije "META IV", danas u ranim jutarnjim satima, od strane policijskih timova Uprave policije Ministarstva unutrašnjih poslova Zeničko-dobojskog kantona izvršeni su pretresi na pet lokacija u Zenici.

Aktivnosti u okviru akcije "META IV" se preduzimaju pod nadzorom Kantonalnog tužilaštva Zeničko-dobojskog kantona, u saradnji sa Državnom agencijom za istrage i zaštitu (SIPA) i Obavještajno-bezbjednosnom agencijom Bosne i Hercegovine.

Pretresi objekata i lica su vršeni s ciljem pronalaženja i privremenog oduzimanja predmeta koji mogu poslužiti kao dokaz u daljnjem postupku, kao i lociranja i lišenja slobode lica koja su meta akcije, a koja se sumnjiče za izvršenje krivičnih djela; " Neovlaštena proizvodnja i stavljanje u promet opojnih droga", "Posjedovanje i omogućavanje uživanja opojnih droga", "Nedozvoljeno držanje oružja ili eksplozivnih materija", "Sprečavanje službene osobe u vršenju službene radnje" i krivičnog djela iz člana 52. Zakona o nabavljanju, držanju i nošenju oružja i municije Zeničko-dobojskog kantona, prenosi [Avaz](#).

Uhapšeno šest osoba

U današnjim aktivnostima slobode je lišeno šest lica i to; K.Č. (34), K.Č (28), A.Dž. (24) , N.B. (50), A.B. (23) i A.H. (60), sva lica iz Zenice.

Pouzđano se sumnja da su navedena lica vršila proizvodnju i distribuciju opojne droge, te nabavku oružja i eksplozivnih materija prema licima koja su lišena slobode u okviru ove akcije u ranijem periodu, a koji su opojnu drogu i oružje distribuirali drugim licima i krajnjim korisnicima.

Pretresima stambenih i drugih objekata koje su koristila lica lišena slobode, danas je pronađeno i oduzeto sljedeće;

Praškasta materija koja asocira na opojnu drogu "Speed", ukupne težine oko 6 kg, biljna materija koja asocira na opojnu drogu "Marihuana", ukupne težine oko 7 kg,tri digitalne vage za precizno vaganje, novac u iznosu od oko 50.000,00 konvertibilnih maraka, oko 2 kg eksploziva, 50 komada detonatora, upaljača, te sporogoreći štapin, jedna ručna bomba, pest pušaka,tri pištolja, te oko 1.000 komada puščane i pištoljske municije, dva pancirna prsluka, dvije mašine za vakumiranje, optika za pušku i viš mobilnih telefona.

Nakon završene kriminalističke obrade, lica lišena slobode će uz izvještaj o počinjenom krivičnom djelu biti predata u nadležnost Kantonalnog tužilaštva Zeničko-dobojskog kantona.

Aktivnosti na dokumentovanju navedenih krivičnih djela provode se od mjeseca januara ove godine, a u spomenutom periodu izvršeno je na desetine pretresa stambenih i drugih objekata, slobode je lišeno 30 lica, od kojih se 11 nalazi u Kazneno-popravnom zavodu zatvorenog tipa Zenica, jer im je izrečena mjera pritvora.

Ranije aktivnosti

U ranijim aktivnostima pronađeno je i oduzeto sljedeće;

- praškasta materija koja asocira na opojnu drogu "Speed", ukupne težine7 kg i 546 grama,
- 1 litar amfetaminskog ulja,
- biljna materija koja asocira na opojnu drogu "Marihuana", ukupne težine1 kg i 478 grama,
- materija smeđe boje, koja asocira na opojnu drogu "Hašiš", ukupne težine 310 grama,
- dva pištolja,
- set alata za prepravku gasnog oružja u vatreno oružje,
- tri mašine za vakumiranje,
- šest digitalnih vaga za precizno mjerenje

Pronalazak spomenute količine opojne droge, oružja, eksploziva i drugih predmeta, rezultat je planskih i koordiniranih aktivnosti policijskih službenika Sektora kriminalističke policije, Odsjeka za borbu protiv zloupotrebe opojnih droga i ova akcija predstavlja značajan korak u borbi protiv organizovanog kriminala i trgovine opojnim drogama, čime Uprava policije još jednom iskazuje opredjeljenost za kontinuiranu i odlučnu borbu protiv svih vidova kriminala u cilju zaštite javne sigurnosti i zdravlja građana.

Pratite nas na našoj [Facebook](#) i [Instagram](#) stranici, kao i na [X](#) nalogu.



Prigovori i ispravke

PREPORUČENI SADRŽAJ

Papa imenovao prvog kineskog biskupa

Počelo suđenje Tendžeriću zbog izazivanja mržnje

Almodovar snima novi film

Napravite sami domaću verziju soja sosa

Ko je bio Hosein Salami, komandant ubijen u napadu Izraela na Iran

Ništa od Zvezde, Edvards se seli u Pariz

Najčitanije

- | | | | | | |
|----|--|----|--|----|--|
| 1 | Čovjek koji je doživio 104 godine: "Kad je duši loše, pomaže samo jedno" | 2 | Stroža pravila i nova ograničenja za pušače u Srpskoj | 3 | Novac, uspjeh i sreća u narednih 5 godina za ova 4 horoskopska znaka |
| 4 | Poskupljuje gorivo, hoće li i sve ostalo? | 5 | Vozač iz BiH proletio kroz crveno, usmrtio Italijana koji je tek izašao iz bolnice | 6 | Ko je jači - Izrael ili Iran? |
| 7 | Rašford izabrao novi klub | 8 | Halid Bešlić gost iznenađenja na maturi (VIDEO) | 9 | Iznad iranske džamije Jamkaran podignuta crvena zastava: To znači samo jedno |
| 10 | Netanjahu uputio poruku Irancima | 11 | Krofnice tri evra, kugla sladoleda dva: Pogledajte kakve su cijene u Crnoj Gori | 12 | Grac se oprostio od Hane A., posljednji put ispraćena za BiH |